

Broj: 101-9991/22 DŽS
Zenica, 13.07.2022. godine

Na osnovu člana 64., stav 1., tačka (b), člana 70. stav 1., 3. i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 501-9989-1/22 DŽS od 13.07.2022. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU o izboru najpovoljnijeg ponuđača

I

Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj: 501-9989/22 DŽS od 13.07.2022. godine u postupku dodjele ugovora za nabavku vodovodnog materijala za izradu nove vodovodne linije u ulicama Vojvodića put i Ivana Gundulića, LOT 1 – vodovodne cijevi od modularnog liva i prihvata se preporuka Komisije za nabavke da se ugovor zaključi sa ponuđačem:

VODOSKOK d.o.o. Tomislavgrad

kao najbolje ocijenjenom ponuđaču, prema ponudi protokolisanom pod brojem: 501-9549/22 od 01.07.2022. godine, a nakon e-aukcije za ostvarenu cijenu od 48.040,00 KM, bez uračunatog PDV-a.

II

Prvobitno ponuđena cijena izabranog ponuđača u iznosu od 79.155,78 KM nakon provedene e-aukcije umanjena je za 39,31 %.

Procenat iz prethodnog stava će se obračunati kao rabat prilikom ispostavljanja faktura ili će se pojedinačne cijene prilikom fakturisanja umanjiti za navedeni procenat.

III

Prijedlog ugovora dostavit će se na potpis izabranom ponuđaču VODOSKOK d.o.o. Tomislavgrad nakon isteka roka od 15 dana, računajući od dana kada je ponuđač obaviješten o izboru najpovoljnije ponude.

IV

Za izvršenje ove Odluke zadužuje se Komisija za nabavke, Služba za kadrovske i opšte poslove, te Komercijalna i Finansijska služba u preduzeću.

V

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

VI

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-8112/22 BS od 09.06.2022.godine. Javna nabavka je provedena putem otvorenog postupka bez zaključivanja okvirnog sporazuma.

Procijenjena vrijednost javne nabavke za LOT 1 bez uračunatog PDV-a je 83.500,00 KM.

Dana 13.06.2022. godine na Portalu javnih nabavki, istovremeno sa objavljivanjem Obavještenja o nabavci broj: 439-1-1-259-3-50/22 objavljena je i tenderska dokumentacija.

Poziv za preuzimanje tenderske dokumentacije broj: 406-8112-2/22 BS od 13.06.2022. godine upućen je sljedećim ponuđačima:

1. VODOSKOK d.o.o. Tomislavgrad
2. INTERKONT KOMERC d.o.o. Banja Luka
3. BIHEXO d.o.o. Sarajevo

U prilogu se dostavlja Izvještaj o preuzimanju tenderske dokumentacije od strane ponuđača preuzet sa portala javnih nabavki dana 06.07.2022. godine u 10:10 sati.

3. Rok za dostavljanje ponuda je bio 04.07.2022. godine do 11:00 sati.

3. Rok za dostavljanje ponuda je bio 04.07.2022. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su četiri ponude u zatvorenoj kovrti, i to:

- 1.VODOSKOK d.o.o. Tomislavgrad
- 2.TOPLOTA d.o.o. Zenica
- 3.BIHEXO d.o.o. Sarajevo
- 4.CMC GROUP d.o.o. Ilijaš

Komisija za nabavku imenovana je Odlukom broj: 101-4913/22 BS od 30.03.2022.godine.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 4 (četiri),
- da su blagovremeno zaprimljene 4 (četiri) ponude,
- da nema neblagovremeno zaprimljenih ponuda,
- ukupno 11 (jedanaest) ponuđača je preuzelo tendersku dokumentacije sa Portala javnih nabavki.

Komisija za nabavku je dana 13.07.2022. godine direktoru preduzeća dostavila Zapisnik o ocjeni ponuda broj: 501-9989/22 DžS od 13.07.2022. godine sa preporukom o izboru najpovoljnijeg ponuđača.

Ponuđač BIHEXO d.o.o. Sarajevo je dostavio kataloški list iz kojeg se ne vide sljedeće tražene karakteristike: vanjska zaštita: čista cinčano-Al prevlaka (min 400 gr/kvadratni metar) sa epoksidnim pokravnim slojem u plavom tonu i unutrašnjom zaštitom naglavaka epoksidnim slojem; za zaptivanje daktilnih cijevi sa naglavkom koristiti brtve EPDM W270 prema EN 545; cijevi se dobavljaju i spajaju utičnim spojem prema DIN 28 603 ili EN 545... Ponuđač takođe nije dostavio potvrdu o zdravstvenoj ispravnosti za brtve izdanu od strane ovlaštene institucije sa područja EU. Iz gore navedenih razloga se ponuda ponuđača BIHEXO d.o.o. Sarajevo odbacuje u skladu sa članom 68., stav 4., tačka (i) Zakona o javnim nabavkama BiH.

Uvidom u priloženu dokumentaciju otvorenog postupka broj: 406-8112-3/22 BS od 09.06.2022. godine – Nabavka vodovodnog materijala za izradu nove vodovodne linije u ulicama Ivana Gundulića i Vojvodića put, LOT 1 – vodovodne cijevi od nodularnog liva, a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama (“Sl. glasnik BiH”, broj: 39/14), i članu 17. Uputstva za pripremu modela tenderske dokumentacije i ponuda (“Sl. glasnik BiH”, broj: 90/14), nije našla osnovan razlog da izrazi sumnju da je cijena dostavljenih ponuda neprirodno niska.

Ponuđačima koji su dostavili formalno – pravno ispravne i tehnički prihvatljive ponude, te im je ugovorni organ shodno odredbi čl.4. Pravilnika o načinu korištenja e-aukcije zakazao e-aukciju za dan 11.07.2022. godine, u terminu od 10:00 sati.

Ponude ponuđača, prije početka e-aukcije su:

- 1.VODOSKOK d.o.o. Tomislavgrad, sa ukupnom cijenom ponude u iznosu od 79.155,78 KM bez PDV-a
- 2.TOPLOTA d.o.o. Zenica, sa ukupnom cijenom ponude u iznosu od 79.860,00 KM bez PDV-a
- 3.CMC GROUP d.o.o. Ilijaš, sa ukupnom cijenom ponude u iznosu od 80.586,00 KM bez PDV-a

E - aukcija je održana u zakazanom terminu.

U e-aukciji ponuđači su mijenjali iznose svojih ponuda.

Konačne ponude, nakon završetka postupka e-aukcije su:

- 1.VODOSKOK d.o.o. Tomislavgrad, sa ukupnom cijenom ponude u iznosu od 48.040,00 KM bez PDV-a
- 2.TOPLOTA d.o.o. Zenica, sa ukupnom cijenom ponude u iznosu od 48.120,00 KM bez PDV-a
- 3.CMC GROUP d.o.o. Ilijaš, sa ukupnom cijenom ponude u iznosu od 55.000,00 KM bez PDV-a

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je prema utvrđenom kriteriju „najniža cijena“ prihvatljivih ponuda/ponuđača, ocijenila kako slijedi:

- 1.VODOSKOK d.o.o. Tomislavgrad, sa ukupnom cijenom ponude u iznosu od 48.040,00 KM bez PDV-a
- 2.TOPLOTA d.o.o. Zenica, sa ukupnom cijenom ponude u iznosu od 48.120,00 KM bez PDV-a
- 3.CMC GROUP d.o.o. Ilijaš, sa ukupnom cijenom ponude u iznosu od 55.000,00 KM bez PDV-a

Shodno prethodno navedenom, Komisija je sa 3 (tri) glasa ZA i 0 (nula) glasova PROTIV donijela odluku da je najpovoljniju ponudu za nabavku vodovodnog materijala za izradu nove vodovodne linije u ulicama Vojvodića put i Ivana Gundulića, LOT 1 – vodovodne cijevi od nodularnog liva dao ponuđač VODOSKOK d.o.o. Tomislavgrad, jer je ponuđač dostavio ponudu sa najnižom cijenom prihvatljive ponude, te Komisija predlaže da se sa navedenim ponuđačem kao najpovoljnijim zaključi ugovor.

U postupku ocjene provedenog postupka direktor preduzeća nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku. Iz navedenih razloga, primjenom člana 32. i člana 64., stav 1., tačka (b). Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema Odluke.

DOSTAVLJENO:

- 1 x Direktor preduzeća
- 1 x Pom.dir.za ekon.posl.
- 1 x Pom.dir.za tehn.posl.
- 1 x Pom.dir.za razvoj i invest.
- 1 x Komercijalna služba
- 1 x Tehnička služba
- 3 x Članovima Komisije
- 1 x Sekretar Komisije
- 1 x a/a



Direktor:

Pašalić Emir, dipl.ing.građ.